

ხელშეკრულება N-62  
სახელმწიფო შესყიდვების შესახებ

ქ.ქუთაისი.

3 აგვისტო 2017 წელი

ერთის მხრივ შპს ქ. ქუთაისის #4 შერეული პოლიკლინიკა (ს/კ 212670796) ხელმძღვანელობაზე/წარმომადგენლობაზე უფლებამოსილი პირი – დირექტორი – ირაკლი ბრეგაძე (შემდგომში „შემსყიდველი“) მისამართი: ქ. ქუთაისი ნიკეას ქ. #46/ბ; ტელ; (0431 225577) და მეორეს მხრივ, შპს „მედინიუსი“ ს/კ412718769 (შემდგომში „მიმწოდებელი“) ხელმძღვანელობაზე/წარმომადგენლობაზე უფლებამოსილი პირი დირექტორი ალექსანდრე ხურციძე მისამართი: ქ.აუთაისი ვ.ხარებავას N20/22

„სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქ/პუნქტისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანების „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ მე-2 მუხლის „ა“ პუნქტის საფუძველზე ვდებთ წინამდებარე ხელშეკრულებას შემდეგ ზე:

1. ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელზეც გაფორმებულია წინამდებარე ხელშეკრულება.

1.3. „შემსყიდველი“ – ორგანიზაცია, რომელიც ახორციელებს საქონლის შესყიდვას.

1.4. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

1.5. „საქონელი“ – ამ ხელშეკრულებით განსაზღვრული შესყიდვის ობიექტი.

2. ხელშეკრულების საგანი

შესყიდვის ობიექტს წარმოადგენს შპს „ქუთაისის N4 შერეული პოლიკლინიკისათვის“ ყვითელი ბუნიკების შესყიდვა.

2.2. ხელშეკრულებით გათვალისწინებული შესყიდვის ობიექტის მახასიათებლები: საქონლის დასახელება, აღწერილობა, რაოდენობა, ერთეულის ფასი და საერთო ღირებულება მოცემულია დანართი N1-ში, რომელიც თან ერთვის აღნიშნულ ხელშეკრულებას და წარმოადგენს მის განუყოფელ ნაწილს.

2.3 კლასიფიკატორის კოდი - CPV 38437110

3. ხელშეკრულების ღირებულება

3.1. ხელშეკრულების ჯამური ღირებულება შეადგენს 40 (ორმოცი) ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული ობიექტის შესყიდვასთან და ტრანსპორტირებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

#### 4. შესყიდვის ობიექტის მოწოდების პირობები:

- 4.1 შესყიდვის ობიექტის მიწოდება განხორციელდება 2017 წლის 3 აგვისტოს.
- 4.2. შესყიდვის ობიექტის მიწოდება მიმწოდებელმა უნდა განახორციელოს შემდეგ მისამართზე: ქ. ქუთაისი ნიკეას ქ. #46/ბ;

#### 5. ანგარიშსწორების ფორმა და ვადები

- 5.1. შესყიდვის ობიექტის ღირებულების ანაზღაურება განხორციელდება დანართი N1-ში მითითებული ფასების მიხედვით ეროვნულ ვალუტაში, უნაღდო ანგარიშსწორებით, ფაქტობრივად მიწოდებული საქონლის ღირებულების შესაბამისად, ხელშეკრულებაში მითითებულ მიმწოდებლის საბანკო ანგარიშზე ჩარიცხვით.
- 5.2. ანგარიშსწორება განხორციელდება მხოლოდ საქონლის მიღება-ჩაბარების აქტისა და შესაბამისი საგადასმდელო დოკუმენტაციის გაფორმებიდან არაუგვიანეს 10 სამუშაო დღის გამვალობაში, ფაქტიურად მიწოდებული საქონლის შესაბამისად.

#### 6. მიღება-ჩაბარების წესი

- 6.1. შესყიდვის ობიექტის მიღება-ჩაბარება განხორციელდება ფაქტობრივად მიწოდებული საქონლის მიხედვით, შემსყიდველი ორგანიზაციის უფლებამოსილი პირის მიერ.
- 6.2. შესყიდვის ობიექტი მიღებულად ჩაითვლება მიღება-ჩაბარების აქტზე ხელმოწერის მომენტიდან, რის შემდეგ საქონლის საკუთრების უფლება გადადის შემსყიდველზე.

#### 7. ხარისხი და გარანტია

- 7.1 შესყიდვის ობიექტი უნდა შეესაბამებოდეს დადგენილ სტანდარტებს.
- 7.2 მიმწოდებელი პროდუქტები უნდა იყოს რეგისტრირებული და ნებადართული საქართველოს მოქმედი კანონმდებლობით.

#### 8. მხარეთა უფლება-მოვალეობანი

- 8.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და შესყიდვის ობიექტის ხარისხის ინსპექტირება.
- 8.2. შემსყიდველი ვალდებულია უზრუნველყოს მიმწოდებლის მიერ შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 8.3. მიმწოდებელი უფლებამოსილია მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 8.4. მიმწოდებელი ვალდებულია:
  - ა) შემსყიდველს მიაწოდოს უფლებრივად და ნივთობრივად უნაკლო შესყიდვის ობიექტი მოქმედი ნორმებისა და წესების დაცვით, სათანადო ხარისხის და მახასიათებლების უზრუნველყოფით იმ ვადაში, რომელიც მითითებულია ხელშეკრულებაში.
  - ბ) უზრუნველყოს წუნდებული, უვარგისი, ვადაგასული, საქართველოს ბაზარზე დაშვების უფლების არმქონე სამკურნალო საშუალებების შეცვლა საკუთარი ხარჯით, გონივრულ ვადაში, შემსყიდველის მხრიდან რაიმე დამატებითი დანახარჯის გაწევის გარეშე.
- 8.5. ხელშეკრულების მხარეებს აღნიშნულ შესყიდვასთან დაკავშირებით ინტერესთა კონფლიქტი არ გააჩნიათ.

## 9. ხელშეკრულებით ნაკისრი ვალდებულებების შესრულების ინსპექტირება

9.1. ხელშეკრულებით ნაკისრი ვალდებულებების შესრულების ინსპექტირებას განახორციელებს პოლიკლინიკის მთავარი ექიმი.

9.2. ინსპექტირება გულისხმობს მიმწოდებლის მიერ ხელშეკრულების პირობების შესაბამისად შესყიდვის ობიექტის რაოდენობის, მიწოდების ვადებისა და ხარისხის კონტროლს.

## 10. ფორს-მაჟორი

10.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.2. ამ ხელშეკრულებაში „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კრანტინით და საქონლის მიწოდებაზე ემბარგოს დაწესებით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოძვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## 11 ხელშეკრულების პირობების გადასინჯვა

11.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

## 12. სადაო საკითხების გადაწყვეტა

12.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

12.2. თუ ასეთი მოლაპარაკების დაწყებიდან 10 (ათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

## 13. ხელშეკრულების შესრულების შეფერხება

13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

## 14. ხელშეკრულების პირობების შეუსრულებლობა

14.1. ხელშეკრულებით ნაკისრი ვალდებულების შეუსრულებლობის შემთხვევაში მიმწოდებელს დაეკისრება პირგასამტეხლო სახელშეკრულებო ღირებულების 10%-ის ოდენობით.

14.2. შესრულების ვადების დარღვევის შემთხვევაში მიმწოდებელს დაეკისრება პირგასამტეხლო შეუსრულებელი ვალდებულების ღირებულების 3 %-ის ოდენობით ყოველ ვადაგადაცილებულ დღეზე გაანგარიშებით.

14.3. ხელშეკრულებით ნაკისრი ვალდებულების არაჯეროვნად შესრულების შემთხვევაში მიმწოდებელს დაეკისრება პირგასამტეხლო შესასრულებელი ვალდებულების 2 %-ის ოდენობით.

14.4. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

14.5. ხელშეკრულებით გათვალისწინებული საგარანტო მომსახურების შეუსრულებლობის, არაჯეროვნად შესრულების ან ვადის დარღვევის შემთხვევაში მიმწოდებელს დაეკისრება პირგასამტეხლო გასაწევი მომსახურების ღირებულების 5%-ის ოდენობით ყოველ ვადაგადაცილებულ დღეზე გაანგარიშებით.

## 15. ხელშეკრულების შეწყვეტა

15.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

15.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

15.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

#### 16. ხელშეკრულების მოქმედების ვადა

16.1. წინამდებარე ხელშეკრულება ძალაში შედის მხარეთა მიერ ხელმოწერისთანავე.

16.2. ხელშეკრულების მოქმედების ვადა განისაზღვრება 2017 წლის 3 სექტემბრის ჩათვლით.

#### 17. განსაკუთრებული პირობები

17.1. ხელშეკრულება შედგენილია 3 ეგზემპლარად და თითოეულ მათგანს თანაბარი იურიდიული ძალა აქვს.

17.2. ხელშეკრულების ორი ეგზემპლარი ინახება - „შემსყიდველთან“, ხოლო ერთი - „მიმწოდებელთან“

#### 18. გადასახადები და დაბეგვრა

18.1. მიმწოდებელი პასუხს აგებს საქართველოს კანონმდებლობით დადგენილი გადასახადის, მოსაკრებლების და სხვა გადასახდელების გადახდაზე.

#### 19. გამოყენებული სამართალი

19.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

#### 20. მხარეთა რეკვიზიტები

შემსყიდველი

შპს ქუთაისის # 4 შერეული პოლიკლინიკა

მის: ქ.ქუთაისი ნიკეას #46/ბ;

ს.ს „ვითიზი ბანკი ჯორჯია“

ანგარიშის № GE04VT0500000001413602

ბ/კოდი: UGEBGE22

ს/კოდი: 212670796

მიმწოდებელი

შპს „მედინიუსი“

მის: ქუთაისი ვ. ხარეზავას N20/22

ს.ს „საქართველოს ბანკი“

GE87BG000000668760700

ბ/კოდი: BAGAGE22

ს/კ: 412718769

დირექტორი

ირაკლი ბრეგაძე



დირექტორი

ალექსანდრე ბურციძე



დანართი 1

N	დასახელება	განზომილება	რაოდენობა	ერთ. ფასი	სულ ფასი	CPV
1	ყვითელი ბუნჯი	ცალი	2000	0,02	40	38437000
ჯამი:					40	

შემსყიდველი  
 შპს ქუთაისის # 4 შერეული პოლიკლინიკა  
 მის: ქ.ქუთაისი ნიკვას #46/ბ;  
 ს.ს „ვითიბი ზანკი ჯორჯია“  
 ანგარიშის № GE04VT0500000001413602  
 ბ/კოდი: UGEBGE22  
 ს/კოდი: 212670796

მიმწოდებელი  
 შპს „მედინიუსი“  
 მის: ქუთაისი ვ. ხარებაგას N20/22  
 ს.ს „საქართველოს ზანკი“  
 GE87BG0000000668760700  
 ბ/კოდი: BAGAGE22  
 ს/კ: 412718769

დირექტორი  
  
 ირაკლი ბრეგვაძე  


დირექტორი  
  
 ალექსანდრე ხურციბე  
